



O'ZBEKISTON RESPUBLIKASI PREZIDENTI HUZURIDAGI
IJTIMOIY HIMOYA MILLIY AGENTLIGI DIREKTORINING

BUYRUG'I

2025-yil 18 - noyabr

387 -son

**“Paralimpiyachilar matonati” xalqaro forumi hamda
“Adaptiv sport festivali”ni tashkil etish va uni o‘tkazish to‘g‘risida**

O‘zbekiston Respublikasi Prezidentining 2022-yil 6-iyundagi “Paralimpiyachilarning matonat maktabi faoliyatini tashkil etish chora-tadbirlari to‘g‘risida”gi PQ–270-son va 2024-yil 8-noyabrdagi “Nogironligi bo‘lgan shaxslarni sportga jalb etish orqali jismoniy reabilitatsiya qilish tizimini takomillashtirish bo‘yicha qo‘shimcha chora-tadbirlar to‘g‘risida”gi PQ–389-son qarorlari ijrosini ta‘minlash maqsadida

BUYURAMAN:

1. Quyidagilar:

O‘zbekiston Respublikasi Prezidentining 2022-yil 6-iyundagi “Paralimpiyachilarning matonat maktabi faoliyatini tashkil etish chora-tadbirlari to‘g‘risida”gi PQ–270-son qarorining 9-bandida 2023-yildan boshlab har ikki yilda bir marotaba Toshkent shahrida “Paralimpiyachilar matonati” xalqaro forumi o‘tkazilishi qayd etilganligi;

O‘zbekiston Respublikasi Vazirlar Mahkamasining 2023-yil 28-dekabrdagi 687-son qarorida Ijtimoiy himoya milliy agentligi (keyingi o‘rinlarda – Agentlik)ning Ijtimoiy himoya davlat jamg‘armasi (keyingi o‘rinlarda – Jamg‘arma) mablag‘lari hisobidan nogironligi bo‘lgan shaxslarni sportga jalb etish hamda video va audio roliklar hamda filmlar yaratish bilan bog‘liq xarajatlarni moliyalashtirish belgilanganligi;

Rossiya “Adaptiv xokkey” federatsiyasi tomonidan O‘zbekistonda “Adaptiv sport” festivalini o‘tkazish bo‘yicha Agentlikka kiritgan takliflari ma‘lumot uchun qabul qilinsin.



2. Joriy yil 24–28-noyabr kunlari “Paralimpiyachilar matonati” xalqaro forumi hamda uning doirasida Toshkent va Samarqand shaharlarida “Adaptiv sport” festivali (keyingi o‘rinlarda – Tadbirlar) o‘tkazilsin.

3. Paralimpiyachilarning matonat maktabi mablag‘lari hisobidan “Paralimpiyachilar matonati” xalqaro forumini tashkil etish va “Adaptiv sport festivali”ni o‘tkazish bilan bog‘liq sarf-xarajatlar hisob-kitobi 1-ilovaga muvofiq;

Ijtimoiy himoya davlat jamg‘armasi mablag‘lari hisobidan “Paralimpiyachilar matonati” xalqaro forumi uchun hujjatli film yaratish bilan bog‘liq sarf-xarajatlar hisob-kitobi 2-ilovaga muvofiq tasdiqlansin.

4. Nogironligi bo‘lgan shaxslarni sportga jalb etishni muvofiqlashtirish bo‘limi (F. Rasulov) hamda Paralimpiyachilarning matonat maktabi (D. Karimova):

bir kun muddatda ushbu buyruqning 1 va 2-ilovalarida qayd etilgan tovarlar (ishlar, xizmatlar)ning xaridini amalga oshirish uchun Agentlikning Xaridlar bo‘limiga va Jamg‘arma Ijro etuvchi direksiyasiga talabnoma hamda texnik topshiriqlarni taqdim etilishini;

tadbirlarning ssenariysini ishlab chiqilishini va uni yuqori saviyada tashkil etish hamda o‘tkazish choralari ko‘rilishini ta‘minlasin.

5. Agentlikning Toshkent shahar boshqarmasi (A. Ikramov) Toshkent shahridagi Alohida ta‘lim ehtiyojlari bo‘lgan bolalar uchun ixtisoslashtirilgan maktab va maktab-internatlarining o‘quvchilarini maktablarning avtobuslaridan foydalanib, yo‘l harakati xavfsizligiga rioya etgan holda Tadbirlarga ishtirok etishini ta‘minlasin.

6. Agentlikning Samarqand viloyat boshqarmasi (Sh. Yo‘ldashov) “Adaptiv sport” festivalini Samarqand shahrida yuqori saviyada va xavfsiz o‘tishi hamda uni ommaviy axborot vositalarida keng yoritilishi bo‘yicha zarur choralarni ko‘rsin.

7. Xaridlar bo‘limi (B. Abdullayev) Matonat maktabi faoliyati uchun ko‘zda tutilgan mablag‘lar hisobidan ushbu buyruqning 1-ilovasida ko‘zda tutilgan tovarlar (ishlar va xizmatlar) xaridini “Davlat xaridlari to‘g‘risida”gi qonunchilik talablariga muvofiq amalga oshirilishini ta‘minlasin.

8. Jamg‘arma Ijro etuvchi direksiyasi (N. Muslitdinov) Jamg‘arma mablag‘lari hisobidan:

Paralimpiyachilarning matonat maktabi (D. Karimova) tomonidan taqdim etilgan texnik topshiriq hamda ushbu buyruqning 2-ilovasiga muvofiq tovarlar (ishlar va xizmatlar) xaridini “Davlat xaridlari to‘g‘risida”gi qonunchilik talablariga muvofiq amalga oshirilishini;



xarid qilingan tovarlar (ishlar va xizmatlar)ni Agentlik balansiga beg'araz o'tkazib berilishini ta'minlasin.

9. Ishlarni boshqarish bo'limi (Sh. Kulatov) mazkur buyruqda nazarda tutilgan tovarlarni Tadbirlarning ishtirokchilariga belgilangan tartibda tarqatilishini ta'minlasin.

10. Paralimpiyachilarning matonat maktabi (D. Karimova), Ishlarni boshqarish bo'limi (Sh. Kulatov), Jamoatchilik bilan aloqalar bo'limi (D. Ruzmetova) ishtirokchilarni kutib olish va taqdirlash marosimlarini yuqori darajada tashkil etsin hamda OAVda yoritib borilishi bo'yicha tegishli choralarni ko'rsin.

11. Ichki baholash va audit boshqarmasi (Y. G'ozibekov) mazkur buyruqqa muvofiq ajratilgan mablag'larning maqsadli sarflanishini ichki audit tadbirlarini o'tkazish jarayonida o'rgansin.

12. Ijro nazorati bo'limi (J. Eshboyev) mazkur buyruqni bir kun muddatda Agentlikning tegishli tarkibiy va hududiy bo'linmalari hamda tizim tashkilotlariga yetkazilishini ta'minlasin.

13. Mazkur buyruq ijrosini nazorat qilish direktor o'rinbosari M. Tashxodjayev zimmasiga yuklansin.

Direktor



M.Olloyorov



O‘zbekiston Respublikasi Prezidenti huzuridagi
Ijtimoiy himoya milliy agentligi direktorining
2025-yil “18” noyabr dagi
387 — son buyrug‘iga
1-ILOVA

**Paralimpiyachilarning matonat maktabi mablag‘lari hisobidan
“Paralimpiyachilar matonati” xalqaro forumini tashkil etish va “Adaptiv sport
festivali”ni o‘tkazish bilan bog‘liq sarf-xarajatlar
HISOB-KITOB**

so‘mda

№	Nomi	Soni	Narxi	Jami
1.	Dizayner xizmati (brendbuk yaratish, moushen tayyorlash, taklifnomalar, dastur va info broshyuralar dizayni)	1	30 000 000	30 000 000
2.	LED ekran 12/5	1	45 000 000	45 000 000
3.	Saxna 20/5	1	20 000 000	20 000 000
4.	Kovrolan 20/5	1	10 000 000	10 000 000
5.	Pandus		10 000 000	10 000 000
6.	Chiroq uskunalari	1	20 000 000	20 000 000
7.	Ovoz kuchayrtigich	1	25 000 000	25 000 000
8.	Qor apparat mashinasi	2	6 000 000	12 000 000
9.	Tutun apparat mashinasi	1	6 000 000	6 000 000
10.	Sovuq favvora (3 metr)	14	800 000	11 200 000
11.	Proektor (1400 kvadratga proeksiya), montaj-demontaj, multiplekatsion animat-siyalar ishlab chiqish,	10	30 000 000	300 000 000
12.	DJ xizmati (foye qismida xizmat ko‘rsatadi)	1	10 000 000	10 000 000
13.	Raqs ansambli, xoreograf xizmati	1	10 000 000	10 000 000
14.	Informatsion videorolik	1	5 000 000	5 000 000
	Motivatsion videorolik	1	54 500 000	54 500 000
15.	Xalqaro forum umumiy videorolik (Foto va video tasvirga olish, dron xizmati, fotoustun xizmati)	3 kun	65 000 000	65 000 000
16.	Boshlovchi	2	7 500 000	15 000 000
17.	Animatorlar xizmati (foye uchun)	2	1 000 000	2 000 000
18.	Oq-qizil ranglardagi skandinav uslubidagi shapka	800	100 000	80 000 000
19.	Ovoz yozish studiyasi ijarasi, musiqa oranjirovka, vokalchichilar xizmati			24 000 000
20.	Saxna nutqi o‘qituvchisi xizmati		4 000 000	8 000 000
21.	Saxna dekoratsiyasi (banner, ustunlar, rekvizitlar)	1	30 000 000	30 000 000
22.	Tadbir rejissyori, 2 ta rejisser assistenti, 2 ta ishchi, 6 ta mutaxassis		134 000 000	134 000 000
23.	Poligrafiya xizmati (taklifnoma, dastur, info broshyuralar)	1	15 000 000	15 000 000
24.	Qora mato ijarasi	500 kv	40 000	20 000 000
25.	3D fotozona 2,5x4 metr (diodli yoritgichlar, burtma dizayn elementlari bilan bezatilgan, 2x4 metrli saxna va pandus ikki tarafga, 8 ta infoustun adaptive sport uchun)		45 000 000	45 000 000

26.	Musiqali kvartet xizmati	1	15 000 000	15 000 000
27.	Tadbir o'tkazish uchun joy to'lovi "Alpomish" muz saroyi ijarasi	1 kun	74 000 000	74 000 000
28.	Konkilar ijarasi	100	100 000	10 000 000
29.	Sinxron tarjimonlar xizmati ("Alpomish" muz saroyidagi tadbir uchun)	4	5 000 000	20 000 000
30.	Toshkent shahrida ovqatlanish xarajatlari 40 kishi (Nonushta 3 marta, tushlik 1 marta, kechki ovqat 3 marta)	280	100 000	28 000 000
31.	Gertsen universitetida tadbir ishtirokchilari uchun tushlik 200 kishilik (osh, non, salat, bir martalik idishlar)	200	15 000 000	15 000 000
32.	Samarqand shahrida ovqatlanish xarajatlari 40 kishi (tushlik 1 marta, kechki ovqat 1 marta)	80	150 000	12 000 000
33.	Toshkent va Samarqand shaxarlari uchun transport xarajati. Izoh: Agar Samarqand shahriga "Afrosiyob" da ketilsa ham narx o'zgarmaydi.	4 kun	10 000 000	40 000 000
34.	Samarqand muz saroyi ijarasi va konkilar ijarasi	2 soat	5 000 000	10 000 000
35.	Samarqandda qolish uchun mehmonxona	40	400 000	20 000 000
Jami				1 250 700 000

*Ushbu xarajatlar smetasining umumiy summasi doirasida mahsulotlar va xizmatlarning haqiqiy qiymatidan kelib chiqib xarajatlar pozitsiyalarida ko'rsatilgan summa, miqdor va parametrlariga o'zgartirishlar kiritilishi mumkin.

Mazkur ilovadagi tovarlar (ishlar, xizmatlar) bo'yicha xaridlar tegishli mas'ul tomonidan tayyorlangan talabnoma va texnik talablar asosida amalga oshiriladi.

O'zbekiston Respublikasi Prezidenti huzuridagi
Ijtimoiy himoya milliy agentligi direktorining
2025-yil "18" noyabr dagi
387 - son buyrug'iga
2-ILOVA

**Ijtimoiy himoya davlat jamg'armasi mablag'lari hisobidan
"Paralimpiyachilar matonati" xalqaro forumi uchun hujjatli film yaratish
bilan bog'liq sarf-xarajatlar
HISOB-KITOB**

so'mda

№	Nomi	Soni	Narxi	Jami
1.	"Paralimpiyachilar matonati" xalqaro forumi uchun hujjatli film yaratish	1	310 000 000	310 000 000
Jami				310 000 000